

समां - 12:25 hrs.

एह आकाशवाणी जम्मू ऐ, हुन तुस जगमोहन शर्मा कोला खबरां सुनो:-



LG -Security Review

उपराज्यपाल मनोज सिन्हा होंरें इक उच्च सतह दी बैठक लाइयें जम्मू-कश्मीर दी सुरक्षा स्थिति सरबन्धी कारवाइएं ते तयारिएं दा जायजा लैता। उ'नें सुरक्षा एजेंसिएं गी हिदायत कीती जे ओह आतंकवादिएं दे नैटवर्क पर दबा बनान ते इस भेठा पैदा होई सकने आहली चुनौतियें कन्ने निबड़ने ते आतंकवाद दे पूरे-पराते तंत्र दा सफाया करने लेई जत्नें गी होर तेज करन। उप-राज्यपाल होंरें पुलस ते आम लोकें बश्कार सम्पर्क बधाने- बेहतर रिश्ते कायम करने ते शकैतें दा पारदर्शी, बिजन कुसै दा पक्ख लैते दे, ते संवेदनशील तरीके कन्ने नबेड़ा करने दियां हिदायता दितियां। उ'नें सुरक्षाबलें गी नशीले पदार्थ दी तस्करी करने आहलें खिलाफ कारवाई तेज करने लेई बी आखेआ। अधिकारिएं गी हिदायत कीती गेई जे ओह साइबर चुनौतिएं, सोशल मीडिया पर गलत सूचना ते ऑनलाईन ब्लैकमेलिंग जनेह मामलें पर तक्क रक्खन। उपराज्यपाल होंरें बक्ख-बक्ख सुरक्षा एजेंसिएं बश्कार तालमेल बेहतर करने पर बी जोर दिता।



JKLA Paperless

जम्मू-कश्मीर विधानसभा दे 21 सितम्बर थमां शुरु होने आहले सत्र दौरान बिजन कागज आहला सरिस्ता अपनाया जाग। आकाशवाणी जम्मू संवाददाता दी रिपोर्ट मूजब कनून- न्यां ते पार्लिमानी मामलें सरबंधी मैहकमे आस्सेआ जारी इक इतलाह मूजब सारा कम्मकाज हुन राश्ट्रीय e- विधान ऐप्प राए होग। एह डिजिटल मंच विधानसभा दे कम्मकाज लेई बनाया गेदा ऐ। इस इतलाह च एह बी दस्सेआ गेआ जे विधायकें आस्सेआ जमा करोआए गेदे सोआल पैहले गै मुतलका मैहकमे गी भेजी दिते गेदे न। सारे मैहकमे गी आखेआ गेआ ऐ जे ओह पोर्टल राएं कम्म करन ते बिल- तरमीमां- सोआलें दा परता जां होर दुए दस्तावेज एदे राएं गै जमा करन।



Cancer Treatment

जम्मू-कश्मीर सरकारैए गरीबें लेई कैंसर दे इलाज ते एहदे प्रबंधन कोश च बड्डे बदलाव कीते न तांजे कैंसर दी मार झल्ला करदे गरीब मरीजें पर माली बोझ गी घट्ट कीता जाई सकै। मुखमंत्री उमर अब्दुल्ला हुंद्दी अगुवाई आहली सरकारै एहदे लेई सलाना परोआरिक औंदन दी योग्यता आहली हद्द गी 2 लक्ख 40 जहार रपें शा बधाइयै 4 लक्ख रपे करी दित्ता ऐ। नमैं सिरेया तैयार इस योजना दे तैहत हून सलाना 3 लक्ख रपें दी औंदन आहले परोआरें गी 75 जहार रपें दी माली मदाद दिती जाहग जिसलै के सलाना 3 शा 5 लक्ख रपें तगर दी औंदन आहले परोआरें गी 50 जहार रपें दी माली मदाद थहोग। मरीज आयुश्मान भारत - पी.एम जन आरोग्य योजना-सेहत दे कन्नै जुड़े दे अस्पतालें च जाइयै

इलाज करोआई सकदे न ते माली मदद दी रकमए डी.बी.टी प्रणाली दे राहें सिद्धे उंधे बैंक खातें च मुंतकिल करी दिती जाहग।

<><><><><><>

JK Self Enumeration

बर्फबारी करी प्रभावत रौहने आहले राज्यें ते केन्द्र शासत प्रदेशें च मरदमशुमारी आली प्रक्रिया दे तैहत आपूं अपना नांs दर्ज करने यानि Self Enumeration दे अभियान च जम्मू-कश्मीर अक्वल थाहरै पर रेहा ऐ। जम्मू-कश्मीर ते लद्दाख दे मुख प्रधान जनगणना अधिकारी अमित शर्मा होरें कल उधमपुर च डुडु ते बसंतगढ़ थमां बर्फबारी करी प्रभावत रौहने आले इलाकें च आबादी दी गिनतरी आले अभियान दा दुआ गेड़ शुरु करांदे मौके एह गल्ल आखी। उ'नें दस्सेआ जे जंदी 17 थमां 31 अगस्त धोड़ी आपूं अपनी गिनतरी दर्ज कराने सरबंधी गेड़ दरान जम्मू-कश्मीर च 9 जहार 672 लोकें जिसले के लद्दाख च 527 लोकें अपनी गिनतरी दर्ज कराई। ध्यानजोग ऐ जे जम्मू-कश्मीर दे 16 जिलें च ते कन्नै पूरे लद्दाख च हुन आबादी दी गिनतरी आला कम्म कीता जाहग। एहदे परैन्त पैहली थमां 5 अक्तूबर धोड़ी नज़रसानी आला गेड़ आयोजित कीता जाहग।

<><><><><><>

Div. Com Road Projects

जम्मू दे डिवीजनल कमिशनर रमेश कुमार होरें एन.एच.ए.आईए एन.एच-आई.डी.सी.एलए बीकन-संपर्क ते पी.एम.जी.एस.वाई दे तैहत जम्मू खिते च तोढ़ चाढ़ी जाखदी सिड़क संपर्क परियोजनाएं दे कम्में च हासल प्रगति दी समीक्षा कीती। उन्हे कम्म तोढ़ चाढ़ा करदी एजेंसिएं गी आखेआ जे ओह सुरंगें दे निर्माण कम्मए सिड़कें गी फोर लेन बनाने ते सिड़कें

ते पुलें दे कम्मं गी सबूरा करने च तेजी आहनन ते तय समें-सीमाएं दी सख्ती कन्नै पालमा बी जकीनी बनान। परियोजनाएं दे रक्ख-रखाऽ दी जरूरतें पर जोर पांदे होई डिवीजनल कमिशनर होंरें सिड़कें पर गड़्डें दी फौरी तौर पर मरम्मत करने सने तबाह् होई दिएं सिड़कें गी ब्हाल करने ते लोड़चदे सुरक्षा हीले अपनाने दे निर्देश जारी कीते न। उन्नै सरबंध्यत अधिकारिणं गी निर्देश दिते जे ओह् मुआवजे आहले मामलें च तेजी आहनन ते बेहतर ढंगै सिर तालमेल दे राहें परियोजनाएं च पेश औने आहली रूकावटें गी बी दूर करन। उन्नै खबरदार करदे होई आखेआ जे महत्वपूर्ण ढांचागत परियोजनाएं च बेवजह लग्गने आहले चिर गी बर्दाश्त नेई कीता जाहग।

<><><><><><>

Prog. Announcement

आकाशवाणी जम्मू दे क्षेत्रीय समाचार एकांश आसेआ अज्ज इस समाचार बुलेटिन दे बाद राश्ट्री पोषण सप्ताह” दे सिलसिले च 30 मिंटें दी इक विशेष चर्चा प्रसारित कीती जाहग। एहदा विशेसार होग “संतुलित आहार थमां बेहतर सेहत तगर जीवन लेई पोषण”। इस कार्यक्रम च खास मेहमान होडन जम्मू-कश्मीर दे मन्ने-परमन्ने दे डाइटिशियन विक्रम सबरवाल, जेहड़े इस विशे पर अपने माहिराना बचार सांझा करडन।

<><><><><><>